



國家出版基金項目
NATIONAL PUBLICATION FOUNDATION

經濟·金融和財政

錢業月報（第十三卷第一號至第三號）



大
象
出
版
社

中國抗日戰爭史料叢刊

533

主編
虞和平

中國抗日戰爭史料叢刊

533

經濟
金融和財政



大象出版社

虞和平 主編

錢業月報（第十三卷第一號至第三號）

錢業月報廣告刊例

地位	一期	三期	半年	一年
封面	二十元	五十四元	九十六元	一百一十八元
半面	十元	二十七元	四十八元	八十四元

- 一 底頁外幅及論說封面加倍
 - 一 前幫後面反底幅裏面加半
 - 一 以上價目均以上海通用銀元計算當於廣告登出後付清
 - 一 廣告文字中西文均可
 - 一 廣告中如須用圖版本報可為代製僅收回製版費
 - 一 於登載廣告期間贈送本報一份
 - 一 每期廣告收稿於出版之前十日截止
- 本報電話九四七九一號

民國二十二年一月十五日出版

編輯者

上海市錢業同業公會
月報編輯部

發行者

上海寶波路二七六號
上海市錢業同業公會

印刷者

總工廠 上海通西蘇青路一百號
發行所 上海浙江路五三六號
華豐印刷鑄字所

零售每冊大洋二角

定閱半年六冊大洋一元一角

定閱全年十二冊大洋二元

定價表

郵費 國內各省及日本概不另加蒙古新疆國外郵會各國香港劉公島澳門威海衛南洋羣島等處另加郵費洋二元

報費先惠郵票代現以四分一分為限

編輯者言

本期雖未標明爲東北經濟問題專號。但叢載欄所收諸作。則以東北財政經濟之譯文爲多。讀「關於滿洲資源及經濟狀態之資料」令人驚滿洲蘊藏之富厚。日人如數家珍。而我則棄之不顧。無惑乎啓其覬覦之心。讀「偽滿洲國中央銀行之設立」及「偽國財政之現狀」二文。至譏彈我國舊制度之處。則汗顏無地。而至彼方計畫之精。則又毛骨悚然。東北淪陷已一年餘。義軍之精力已疲。失地之收復無日。天乎痛哉。今當二十二年開始之期。欲使讀者知所警惕。特多選數篇刊入。此則編者區區之意云爾。

中華民國二十二年一月十五日
中華郵政特准掛號認爲新聞紙類
內政部登記證警字九三五號

版出日五十月每 刊創年十國民
號 一 第 卷三十第

錢

業月報

太希圖

上海市錢業同業公會發行

專 論 述 評 載 查 關

編輯者言

本期要目

迎新年與送難年(宇) 對俄復交與我國經濟(龔伯) 廢兩改元後之
領券期日問題(魏友棠) 錢業與廢兩改元之實行(遂然) 一年來商
業之回顧(張孟昭) 論票據保證人之追索權(孫開鎬) 紡織業今後
之出路(朱仙舫) 東北經濟的軍事關係(武)
過去一年中重要財政經濟述評(九則) 謝菊甘 金融業應拒與奸商合
作 談流通米麥 銀行學會可借鏡 談電話自來水之糾紛 實業建
設之不易 商店退夥員之責任
東北農產品與日本食糧問題(裴錫頤) 關於滿洲資源及經濟狀況之
資料(因銘譯) 偽滿洲國中央銀行之設立及其使命(施耀剛譯) 偽
國財政之現狀(思最譯) 十年來上海錢莊事業之變遷(魏友棠) 美
國之信託會計制度(趙) 孫開鎬
江浙黨魯四省之信用合作社(續上期) 沈祖彝 最近綏遠之發展概況
(葉曉才譯)

金融 商情 經濟統計 經濟紀聞

THE NATIVE BANKERS' MONTHLY
SHANGHAI

Established in 1922 January every 15th

專論

迎新年與送難年

宇

自去年九一八瀋陽失陷。總之以今年一二八滬變。此民國廿一年一年中。完全在國難期中。謂之曰難年。誰曰不宜。

國家係整箇的一方蒙難。必牽動全國。我金融界爲百業之樞紐。百業因國難臨頭而一蹶不振。金融業所感受之痛苦。尤爲深切。無可爲諱也。查金融業之業務。以存款放款爲原則。而廿一年元月底大結末期前數日。日寇在滬發難。致不克如期舉行。遷延復遷延。至五月終始勉強行結束。而大都皆結而不束。以致所放款項。不能依照向例收。還其景象實爲本埠所未有。滬上事變之後。戰區以內各業。無復興之望。即非在戰區之各業。亦復萎靡不振。岌岌可危。但觀大減價之層出不窮。即可知市民購買力之降低。而農產物之跌價。又足以破壞內地之商業。於是工商均抱收縮之態度。毫無進取之可能。試問如此環境。我金融業何能發展。往往儲藏現金。不能放出。雖爲全國一般的現象。而上海爲通商大埠。現過集中之地。感受痛苦尤甚。故金融界所受打擊。殊與其他各業同其嚴重。今者廿一年已告終。而二十二年已臨頭。吾人工作。當注意於送難年。蓋難年去。新年方有希望。

也。若名義上之難年雖去。而實際上之患難不去。則新年雖來。猶是難年也。吾人不敢然觀以阻國人之氣。但曠觀世界。默察國情。以爲難年之不再延長。端在國人於萬難之中。打開出路。我金融界所負之責任。實異常重要。如宜若何輔助各業增加生產。宜若何挽救農村之衰落。宜若何穩固國家之財政。宜若何謀金融權之獨立而不爲外商勢力所操縱。宜若何增厚抗日之力量。宜若何破除一己利潤之觀念而謀社會大多數之福利。凡此擎擎大者。均爲目前各界所屬望於我金融業者。吾人將何以厭國人之望。而與政治軍事齊足並進乎。蓋上列各項既爲送難年之要着。亦爲迎新年之要着也。願毋忽焉。

二一年十二月廿六日作

對俄復交與我國經濟

鑫伯

我國與蘇俄已於二十一年十二月十二日由顏惠慶公使在日內瓦宣布復交。舉國上下無不認為正當。誠然。然於我國利害所在。未有深切之討論。竊以天下事利害得失。本相倚伏。況外交政策尤為複雜。決非簡單的可以斷定其屬於利或害者。今以管見所及。試論對俄復交之利害。在中俄復交之後。蘇俄對於偽組織。或不至即予承認。惟俄欲承認偽組織。亦有其自由。不因與我復交故。而受有何種束縛。苦政府有進一步之計畫。則又當別論。至於東北義勇軍之能得俄助與否。初不在復交也。在俄未與我訂攻守同盟之前。則在國際法上為中立國。難望其顯然資助義勇以抗日。且蘇俄正在致力內政。處處避免與他國衝突。更不必因復交而望其助我以攻日。惟我在國際上。久形孤立。今多一與國。在精神上。得到相當安慰。此其利也。

在物質方面。則有大問題在。我與俄復交之後。俄則以其有計畫的國外貿易政策。對我行其傾銷政策。而我則出口貨往俄者。無顯著之成績。其貿易結果。必我對俄為入超。俄對我為出超。可以斷言。試觀中俄復交以後。大起恐慌者。為日本商人。蓋日人向以我國為貨品傾銷之尾閭。今有俄與之競爭。勢必受大打擊。不知日固不利。我亦未為得計為。蓋貨品既來。金錢即去。不入於日。即入於俄。在我祇見其被侵略之害。而未收互利之益。譬如以刀割我之肉。與吸我之血。其足以致我於死。

初無二致。暴日行爲。既割我肉。又吸我血。我自當盡我之力驅逐之。抵禦之。若謂日當驅逐。而他人之吸我血者。可以歡迎。庸非大愚者耶。日之以武力侵略經濟侵略。雙管齊下。是割我肉。又吸我血者也。蘇俄以貨物傾銷於我國。是以經濟侵略。吸我之血者也。故在復交之後。我國經濟上將有重大之損失發生。其害將有不勝言者。惟讀者幸勿誤會。我之爲此言。非反對中俄復交。蓋以復交後。將受俄貨傾銷之害。希望國人未雨綢繆。免受重大損失耳。善哉國際貿易局長何炳賢氏之言曰。『在此時期。國人苟不切實注意對俄商品之推銷。則結果或將改變歷年來之出超。而爲對俄入超。貿易發展亦難如國人現時期望之甚。總之國人當以提倡國貨。發展實業爲永久之基本策略。自謀國外新市場之出路。則庶有幾分希望。』

廢兩改元後之領券期日問題

魏友棐

三中全会閉幕，政府鑒于國內新經濟政策，亟待施設。財長宋子文，乃復有廢兩改元之集議。既于私邸召集一度小組會議，行見實現之期，當不在遙。吾業對於廢兩改元，爲夙昔所抱之旨趣。曩年先會董朱五樓先生，即爲首先贊成此項政策之倡議者。乃爲時已二十年。政府倡導于先，學者贊同于後。遲之又遲，未見實施。豈不以爲茲事體大，不可不有審慎之態度耶。

二十二年度中，爲國人對於此問題討論最熱烈之一。審前度後，博賅周至，則其實現之後，對於各方之影響，以及事前之準備，當亦籌之已熟。惟吾人于廢兩改元實現後，在現下狀況判斷之下，認爲不能不鯁鯁過慮者，則領券期日問題是已。

紙幣發行集中之議，不自今日始。然迄今日，猶未見實現。且新領得發行權者，實繁有徒。是知設使廢兩改元實現之後，紙幣發行權之集中，亦未見得能當時見于實行。在現今狀態之下，發行紙幣之銀行，大抵視此爲主要利藪。故對於其所發行之紙幣，盡量推行，鉤心鬬角，無微不至。其惟一方法，即在對於向其領用紙幣之客戶，予以十日至二十日之期日。例如有客戶存入某行，即期洋款壹萬元，同時領去該行紙幣洋壹萬元，以常理論之，宜若收付而抵，無有餘額。然按其實際，則殊有未然。該銀行對於客戶付入之洋款，固爲即期，而于其領去之紙幣，則遲付其十日或二十日之帳。

如是則該客戶對於其存入之壹萬元。可以得一種利息上之討打。而對於其支去之紙幣。後得爲視同現款之運用。當然立于有利的地位。更考此項陋習之由來。其初爲三天。而五天。而十天。而十五天。乃至二十天。跡其所爲。近于商家買一送一之幼稚舉動。殊有背金融業者發行紙幣之本意已。

發行紙幣之本意。不在圖利。而在金融之調劑。通貨運用不足時。則紙幣爲通貨之補助。是以其發行額須斟酌市面情形。決不能以一銀行之進退爲進退。廢兩改元之後。籌碼既形缺少。對於紙幣之需要當更爲迫切。如果發行紙幣銀行仍治前此濫行推行之故習。是否將蹈濫發之弊。不亦大可慮耶。

然此又有一問題存焉。領用紙幣之客戶。對於其領用時既得有一病利息上之討打。則其人領券時。苟而利用此點。爲一種取巧之行爲。其紙幣本無領用之切要。乃鑒于領用時利息之討打。則亦無所爲而爲之。于市面亦殊爲無利。故吾人認爲有發行紙幣權銀行對於放寬期日問題。實爲不當。而廢兩改元實現之後。設發行權不能集中。則對於此問題之改訂。誠不可以已也。

(十二、一三)

按廢兩改元之後。籌碼減少。紙幣需要必增。發行紙幣權。既未集中。將來濫發自難限制。前途危險。不堪設想。我金融界爲社會安定金融鞏固起見。應進一步努力於紙幣發行權集中運動。不知高明以爲然否。 編者誌

錢業與廢兩改元之實行

蓮然

我國現代之所謂金融機關。大要不外銀行信託公司與錢莊等。名稱雖各不同。而其性質則一。自海禁大開以後。外人來華通商貿易。設立銀行。國人起而紛紛效之。遂爲吾國銀行之濫觴矣。然至今日。因有銀行設立之故。多不注意錢莊。並有輕視錢莊而妄肆非議之者。如此次廢兩改元。乃有謂錢業界係生長於惡劣幣制之下。廢兩改元實行。即不能立足於金融社會。故在事前事後。皆將加以阻碍。此種偏見。未免輕忽錢業界在吾國之歷史及在社會上經濟之關係與其重要之地位也。

夫廢兩改元。固爲改革吾國幣制之一要務。然須知國家凡有興革。不專在乎一紙之法令。而在實際推行之如何。譬之軍隊。上有司令。下有兵士。然能秉司令之命推行一般兵士者。則在乎位於中間地位之軍官也。又如工廠。上有經理。下有工人。然能承經理之命推行一般工人者。則在乎位於中間階級之職員也。若夫廢兩改元。在政府雖有規定之法律。在人民固有遵行之義務。然而承上啓下而爲實際推行之機關者。則須賴諸一般金融機關。由是觀之。錢業界之金融機關對於廢兩改元實行。究有若何之效能。茲可言其概要於下。

一、自積極的方面言之。吾國錢業。創于數百年前。遞嬗變化。始有今日之成績。其信用與地位。

雖今日銀行之發達亦不能奪兌銀行設立。僅限於通都大邑。未若錢業之能徧布內地。通融便利。故欲廢兩改元以謀幣制改革。亦僅行諸通都大埠而已。當須普及國內各地。然在幣制紊亂不堪之今日。國內一般人民。生活程度極為低淺。社會經濟復形幼稚。所謂銀兩。銀元。銅元。制錢。蓋皆相並而行。雜然流通。既不知何為本位。何為單位。亦不知兩究為何。元究為何。似此情形。而欲廢兩改元之能普及一般。豈易事哉。今則雖有銀行設立。然尚未能普及一般。欲以廢兩改元之事。專賴銀行推行。曾恐扞格不入。反有債事之虞。若夫錢業之於我國。既有深遠長久之歷史。而在金融社會復占重要之地位。一切營業交易。敏捷迅速。親洽密切。尤有便利人民之特長。故欲實行廢兩改元以使普及國內一般。而收完全澈底之效果。則除銀行及其他各界以外。不可不賴諸錢業界。又況錢業界位於中等社會階級之間。不特內地鄉村間有普徧之勢力。即在各大都市亦占重要之地位。且其信用素著。融通便利。人民利賴。已非一日。對於廢兩改元之推行。實際上尤能使之容易普及。收效宏大。此則可敢斷言者也。

二、自消極的方面言之。現值今日工商實業日趨發達之際。中外經濟競爭劇烈之秋。錢業界為謀自己生存發展。深知仍採舊式營業方針。始難立足於金融社會。故一方力圖同業之團結。一方又謀基礎之鞏固。同時更又講求擴大組織。改善營業方法。設立聯合準備庫。以期適合社會經濟進化之趨勢。其尤甚者。觀其對於廢兩改元之宣言及廢止二毫半之手續費。於以知錢業界之態度光明正大。迥非以前可比。不特不為廢兩改元之阻障。且為廢兩改元之

先鋒。然有不察者。尙以輕視之眼光。加以摧毀之手段。此誠大謬特謬也。吾國今日之金融現象。實一病態現象。內地與都市既相懸殊。彼此又乏聯絡調劑之術。因之我國經濟發達。陷於奇特病象。如上海、天津、廣州等處。現金貨幣異常集中。以致利率低下不已。鄉村則金融艱澀。利率過高。百業無法興辦。一部充血。一部貧血。殊爲我國經濟上之一大危機。然至今日其所以使鄉村經濟尙能維持於不敝者。全賴此錢業界任轉捩之責也。否則恐內地經濟早已陷於不堪收拾之境域矣。又況我國銀行發達。尙未達於歐美諸國之狀態。一旦錢業遽受摧殘。國內各種工商業必因之大受影響。社會經濟生活亦必隨之大生變化。在此情形之下。而欲廢兩改元之能推行無阻。是何異於緣木求魚。故在今日幣制改革之始。錢業界既爲金融社會之一重要機關。又能順應改革之議。宣言贊成。似此情形。未可厚非。爲謀社會全體發達。與實行廢兩改元計。則宜對於此等金融機關。使其改良進步。循乎自然之趨勢。變爲良好之金融機關。俾與新式金融機關。並駕齊驅。各展其長。庶業錢業者。皆可以其固有之地位。順應社會之潮流。努力前進。自強不息。所謂廢兩改元以謀改良吾國幣制。不難立即實現者矣。

吾所以爲此言者。蓋見吾國今日經濟狀況。極形幼稚。人民知識又極低淺。如欲廢兩改元以謀幣制改革。必須一般人民咸能羣起奮圖。合力共濟。乃可以收美滿良好之效果。不宜重視一方輕忽他方。致使國家大政未行而阻。強行而弊。又況改革幣制。乃吾國社會經濟盛衰存亡之一重大問題。應宣注重實際。細察現情。務使舉國上下所希望之廢兩改元問題。早能見諸實行。根本解決。今當國難危迫緊急之際。不能不望國人各自奮起。共策前驅焉。

十二月十日

清 華 週 刊

第三八卷 第 三 期

(五三一號)

目 錄

時評

- 劃北平爲文化城？…………… 俊 (1—2)
中國所需要的政治家…………… 飛 (2—3)
目前我國外交之陣勢…………… 徐雄飛 (4—6)
Lytton Roport and the Spirit of the League…By A. U. (7—8)
珀珂品——琥珀及其他的代用物(續)…………… 逸 (9—20)
電是什麼？…………… 胡 璵 (21—20)
國聯調查團報告書的研究與分析…………… 新 人 (25—29)
嚴復所介紹及所持的政治學說…………… 劉芝城 (30—46)
荀子的經濟思想…………… 伍啓元 (47—61)

批評與介紹

- 霍爾等編的失業的個案研究…………… 吳景超 (62—64)
張心如：哲學概論…………… 季 同 (64—65)

詩

- 銀便士…………… 孫毓棠譯 (66)
春野…………… 借 瑋 (67)
吉普西小唱…………… 丁 寧 (68—69)
丈夫與情人…………… 瀟清淪 (70—75)
期待…………… 修 芒 (76—80)
編者的話…………… (81—82)

一年來商業之回顧

張孟昭

椒盤獻歲。鳳紀更新。尺波電謝。催人易老。凡事前事覆。後事鑑。在個人言。從前種種。譬如昨日死。今後種種。譬如明日生。在社會言。前事不忘。後事之師。事業因失敗而轉趨成功。商業因不景氣而轉於繁榮。然則溯往鑒來。洵足以資警惕也。爰將予聞見所及。一年來商業簡況。作一回顧。孤陋不免。惟當世賢明。有以指謬焉。

金融業

金融業為百業經濟命脈。而百業亦惟金融業馬首是瞻。金融業之榮枯。所關匪細。自前年九一八國難突發。繼之以去歲一二八暴日寇滬。金融業組織處茲驚濤駭浪。幾被動搖。幸賴銀錢業之團結相互維繫。持鈔券人之能識大體。處以鎮靜。安渡險徑。誠大幸也。上海為商業經濟中心。駁駁乎與英之倫敦美之紐約相並。外商金融機關林立。為外貨侵略我市場之大本營。我錢業外審世界大勢。內察商業現狀。進而組織錢業聯合準備庫。協助國貨事業。抵抗外商侵略。商業獲此有力後盾。商戰陣容一新。此可喜者一。

商事往來日繁。而金融收付日劇。票據厭雜。環境密度與日俱進。更將以何法減省繁重手續。處理商務。我錢業倡之有年之票據交換所。竟獲見之於銀行界。「錢業踵起指日可待」此可